



盧綸集卷第一

五言古詩

綸與吉侍郎中孚司空郎中曙苗貢
外發崔補闕峒耿拾遺漳李校書端
風塵追遊向三十載數公負當時盛
稱榮耀未幾俱沉下泉暢博士當感
懷前蹤有五十韻見寄輒有所訓兼
寄夏侯侍御審侯倉曹釗

稟命孤且賤少為病所嬰八歲始讀書四方



遂有兵童心幸不羈此去負平生是月胡入
洛明年天墮星夜行登霸陵悄恍靡所征雲
海一翻蕩魚龍俱不寧因浮襄江流寄遠都
陽城鄱陽富學徒誚我慙無營諭以詩禮義
勗隨賓薦名舟車更滯留水陸互陰晴曉望
怯雲陣夜愁驚鶴聲悽悽指宋郊浩浩入秦
京沴氣旣風散皇威如日明方逢粟比金未
識公與卿十上不可待三年竟無成偶爲達
者知揚我於王庭素志且不立青袍徒見縈

昏孱夙自保靜燥本殊形始趨甘棠陰旋遇
密人迎考實績無取責能才固輕新豐古離
宮宮樹鎖雲扃中復蒞茲邑往惟曾所經繚
垣何逶迤水殿亦崢嶸夜雨滴金砌陰風吹
玉楹官曹雖檢率國步日夷平命蹇固安分
禍來非有萌因逢駭浪漂幾落無辜刑巍巍
登壇臣獨正天柱傾悄悄失途子分將秋草
并百年甘守素一顧乃拾青相逢十月交衆
卉飄已零感舊諒戚戚問孤懇榮榮侍郎文

章宗傑出淮楚靈掌賦若吹籟司言如建瓴
郎中善餘慶雅韻與琴清鬱鬱松帶雪蕭蕭
鴻入冥員外貞貴懦弱冠被華纓月香飄桂
實乳溜滴瓊英補闕思冲融六藝亦精明綵
蝶戲芳圃瑞雲凝翠屏拾遺興難侔逸調曠
無程九醞貯彌潔三花寒轉馨校書才智雄
舉世一娉婷曙 鬼神變屬詞鸞鳳驚羞肩
曳長裾總轡奉和鈴共賦瑤臺雪同觀金谷
箏倚天方比劔沉井忽如瓶神昧不可問天
高莫爾聽君持玉盤珠瀉我懷袖盈讀罷涕
交頤願言躋百齡

太白西峰偶宿車祝二尊師石室晨
登前巘憑眺書懷即事寄呈鳳翔齊

員外張侍御

弱齡誠昧鄙遇勝唯求止如何羈滯中得步
青冥裡青冥有桂叢冰雪兩仙羽毛節未歸
海丹梯閒倚空道遙擬上清洞府不知名醮
罷雨當至客辭山忽明山明鳥聲樂日氣生

巖壑巖壑樹脩脩白雲如水流白雲銷散盡
隴塞儼然秋積阻關河固綿聯烽戍稠五營
承廟略四野失邊愁吁嗟繫塵役人負靈仙
跡芝木自芳香泥沙幾沉溺書此欲沾衣平
生事每違煙霄不可仰鸞鶴自追隨

秋暮中夜獨坐遲明因陪陳翊郎中

晨謁上公聊書即事兼呈同院諸公

風淒露泫然明月在山巔獨倚古庭樹仰看
深夜天葉翻螢不定蟲思草無邊南舍杼機

發東方雲景鮮簪裘夙已整車騎儼將前百
雉拱雙戟萬夫尊一賢琳瑯謀蘊律呂更
相宣曉桂香裊露新鴻暗滿川熙熙造化功
穆穆唐堯年顧已草同賤誓心念匪堅蹇辭
慙自寡渴病老難痊書此更何問邊韶唯晝
眠

秋中野望寄舍弟綬兼令呈上西川

尚書舅

憂來思遠望
殊非愜夜露濕蒼山秋陂

滿黃葉人隨雁
離形神遂疲繭
雨渴松筠巴江
盈篋舊恨尚填
自喜歸耕捷井
不在照雪髯那
堪鑷唯有食霞
心知夫與天
接

奉陪侍中遊石筍溪十二韻

朝日照靈山山溪浩紛錯圖書無
驚記鯨禹

應新鑿雙壁瀉天河一峰吐蓮萼
潭心亂雪卷巖腹繁珠落彩蛤攢
錦囊芳蘿嫋花索猿群曝陽嶺龍
冗腥陰壑靜得漁者言聞洞仙博
欹松倚朱攄廣石屯油幕國泰事
留侯山春縱康樂間關殊狀鳥爛
熳無名藥欲驗少君方長吟大隱
作旌幢不可駐古塞新沙漠

和李中丞酬萬年房署少府過汾州
雪觀因以寄上

顯晦淡無迹賢哉常晏如如何驚孤鶴忽乃
得雙魚叙以泉石舊悵然風景餘低向青油
幕夢寐白雲居玉洞桂香滿雪壇松影踈沉
思矚仙侶紆組正軍書積學早成道感恩難
遂初梅生諒多感歸止豈吾廬

孤松吟酬渾贊善

深山荒松枝雪壓半離披朱門青松樹萬葉
垂清露露重色逾鮮吟風似遠泉天寒香自
發日麗影長圓陰郊一夜雪榆柳皆枯折迴

首望君家翠蓋滿瓊花奉君青松曲自顧同
衰木曲罷不相親深山頭白人

送吉中孚歸楚中舊山

青袍芸閣卽談笑揖侯王舊錄藏雲穴新詩
滿帝鄉名高閑不得到處人爭識誰知冰雪
顏已雜風塵色此去復如何東臯岐路多籍
茆臨紫陌回首憶滄波年來倦蕭索但說淮
南樂並檝湖中遊連檣月下泊沿溜入閩門
千燈夜市喧喜逢鄰舍伴遙語問鄉園下淮

風自急樹杪分郊色送客隨岼行離人出船
立漁村繞水田澹浦隔晴煙欲就林中醉先
期石上眠林昏天未曙且向雲邊去暗入無
路心知有花處登高日轉明下望見春城
洞裏草空長塚邊人自耕寥寥行異境過盡
千峯影露色凝古壇泉聲落寒井仙成不可
期多自堪悲為問桃源客何人見亂時

上巳陪齊相公花樓宴

鍾陵暮春月飛觀延群英晨霞耀中軒滿席

羅金瓊持杯凝遠睇觸物結幽情樹色參差
綠湖光潏灩明禮卑瞻絳帳恩洽厠華纓徒
記山陰興今日乃為榮

與張櫂對酌

張翁對盧叟一榼山村酒傾酒請余歌忽蒙
張翁呵呵余官非屈曲有怨詞多歌罷謝張
翁所思殊不同余悲方為老君責一何空曾
看樂官錄向是悲翁曲張老聞此詞汪汪淚
盈目盧叟醉言麤一杯九數呼回頭顧張老

敢欲戲為儒

顏侍御廳叢篁詠送薛存誠

玉幹百餘莖生君此堂側拂簾寒雨響擁砌
深溪色何事鳳凰雛茲焉理歸翼

同吉中孚夢桃源二首

春雨夜不散夢中山亦陰雲中碧潭水路暗
紅花林花水自深淺無人知古今
夜靜春夢長夢逐仙山客園林滿芝朮雞犬
傍籬柵幾處花下人看余笑頭白

送韓長史赴京南舊幙

元瑜思舊幕幾夜夢旌旆暑退蒹葭雨秋生
鼓角天月明三峽路浪裡九江船

同暢當詠蒲團

團團錦花結乃是前溪蒲擁坐稱儒褐倚眠
宜病夫唯當學禪寂終老與之俱

七言古詩

送從叔牧永州

五侯軒蓋行何疾零陵太守登車日零陵太

守淚盈巾此日長安方欲春虎符龍節照岐
路何苦愁為江海人彼方韶景無時節山水
諸花恣開發客按津戍少聞猿鴈過瀟湘至
逢雪郡齋無事好閒眠秔稻油油綠滿川浪
裏爭迎三蜀貨月中喧泊九江船今朝小阮
同夷老欲問明年借幾年

和趙給事白蠅拂歌

華堂多衆珍白拂稱殊異柄裁沉節香襲人
上結為文下垂穗霜縷霏微瑩且柔虎鬚乍

細龍髯稠皎然素色不因染浙爾涼風非為
秋群蠅青蒼恣遊息廣庖萬品無顏色金屏
成點玉成瑕晝眠宛轉空咨嗟此時滿筵看
一舉菰花忽旋楊花舞春如寒隼驚暮禽颯
若繁埃得輕雨主人說是故人留每誠如新
比白頭若將揮翫閒臨水願接波中一白鷗

蕭常侍瘦栢亭歌

栢之異者山中靈何人斷絕為君亭雲翻浪
卷不可識鳥獸成形花倒植莓苔舊點色尚

青霹靂殘痕節猶黑金貂主人漢三老構此
窮年下朝早心規目製不暫疲匠者受詞無
一詞清晨拂匣菱生鏡落日凭欄星滿池攢
薨闕拱無斤跡根癭耻懸同素壁數層亂瀉
雲裏峯萬片爭呈雪中石重簾不動自飄香
似到瀛洲白玉堂水精如意刀金色雲母屏
風透掩光四堦綿絲被織草草上依微衆山
道松間汲井煙翠寒洞裏圍碁天景好愚儒
敢欲賀成功鸞鳳棲翔固不同應念廢材今
接地一枝思寄戶庭中

慈恩寺石磬歌

靈山石磬生海西海濤平處與山齊長眉老
僧同佛力呪使鮫人往求得珠穴沉成綠浪
痕天衣拂盡蒼苔色星漢徘徊山有風禪翁
靜扣月明中群仙下雲龍出水鸞鶴交飛半
空裡城精木魅不可聽落葉秋砧一時起花
宮杳杳響泠泠無數沙門昏夢醒古廊燈下
見行道踈木池邊聞誦經徒壯洪鍾闕高閣

萬金費盡工雕鑿豈如全質掛青松數葉殘
雲一片峯吾師寶之壽中國願同劫石無終
極

送張郎中還蜀歌

秦家御史漢家郎親專兩印征殊方功成走
馬朝天子伏檻論邊若流水曉離仙署趨紫
微夜接高儒讀青史瀘南五將望君還願以
天書示百蠻曲棧重江初過雨前旌後騎不
同山迎車拜舞多耆老舊卒新營遍青草塞
口雲生火候遲煙中鶴唳軍行早黃花川下
水交橫遠應孤霞蜀國晴叩竹筍長椒瘴起
荔枝花發杜鵑鳴迴首岷峨半天黑傳觴接
膝何由得空令豪士仰威名無復貧交恃顏
色垂楊不動雨紛紛錦帳胡瓶爭送君須臾
醉起簫笳發空見紅旌入白雲

宴席賦得姚美人箏歌

出簾仍有鈿箏隨見罷翻令恨識遲微收皓
腕纏細袖深過朱絃低翠眉忽然高張應疏

節玉指回旋若飛雪鳳簫韶管寂不喧繡幕
紗窓儼秋月有時輕弄和郎歌慢處聲遲情
更多已愁紅臉能佯醉又恐朱門難再過昭
陽伴裏最聰明出到人間纔長成遙知禁曲
難翻處猶自君王說小名

陳翊郎中北亭送侯釗侍御賦得帶

水流歌

溪中鳥鳴春景旦一派寒冰忽開散壁方鏡
圓流不斷白雲鱗鱗滿沙漠處淺旋處深
撇揆寒魚上復沉群鵝鼓舞揚清音主人有
客簪白筆玉壺貯光如一持此贈君君飲
之聖君識君冰玉姿

栖霞寺隋文帝馬腦盞歌

天宮寶器隋朝物鎖在金函比金骨開函捧
之光乃發阿修羅王掌中月五雲如拳輕復
濃昔曾喫酒今葺龍現形環影相透澈亂雪
絮花千萬重可憐貞質無今古可嘆隋陵一
坏土宮中艷女滿宮春得觀此寶能幾人一

留寒殿今將壞唯有幽光通隙塵山中老僧
眉似雪忍死相傳保肩鑄

難縮刀子歌

黃金鞘裏青蘆葉麗若剪成銛且翼輕冰薄
玉狀不分一尺寒光湛決雲吹毛可試不可
觸似有蟲蝕闕裂文淬之幾墜前池水焉知
不是蛟龍子割鷄刺虎肯若空願應君心逐
君指并州難縮竟何人每成此物如有神

贈日觀咸寧王部曲娑勒擒豹歌

山頭曠曠日將出下山獵圍照初日前林有
獸未識名將軍促騎無人聲潛形踈伏草不
動雙鷗轉旋群鷗鳴陰方質子纔三十譯語
受詞蕃語揖捨鞍解甲疾如風人忽虎蹲獸
人立歛然扼頰批其頤瓜牙委地涎淋漓既
蘇復吼拗仍怒梁叶英謀生致之拖自深叢
目如電萬夫朱容千馬戰傳呼賀拜聲相連
殺氣騰凌陰滿川始知縛虎如縛鼠敗虜降
羗在眼前祝爾嘉詞爾無苦獻爾將隨群象

舞苑中流水禁中山期爾攫搏開天顏非熊
之兆慶無極願紀雄名傳百蠻

賦得白鷗歌送李伯康歸使

積水深源白鷗翻翻倒影光素于潭之間銜
魚魚落亂驚鳴爭撲蓮叢蓮葉傾爾不見波
中鷗鳥閒無營何必汲汲勞其生柳花溟濛
大隄口悠揚相和乍無有輕隨去浪杳不分
細舞清風一何久似君換得白鵝時獨凭欄
干雪滿池今日還同看鷗魚如何羽翮復參
差海濤瀾漫何由期

冬日登城樓有懷因贈程騰

生涯何事多羈束賴此登臨暢心目郭南郭
北無數山萬井逶迤流水間彈琴對酒不知
暮岸幘題詩身自閑風聲肅肅鴈飛絕雲色
茫茫欲成雪遙思海客天外歸坐想征人雨
頭別世情多似風塵隔泣盡無因畫籌策誰
知白首窓下人不接朱門坐中客賤亦不足
歎貴亦不足陳長卿未遇楊朱泣蔡澤無媒

原憲貧如今萬乘方用武國命天威借貔虎
窮達皆爲身外名公侯可撥刀頭取君不見
漢家邊將在邊庭白羽三千出井陘當風看
獵擁珠翠豈在終年窮一經

送餞從叔辭豐州幕歸嵩陽舊居

白髮宗孫侍坐時願持壽酒前致辭鄙辭何
所擬請自邊城始邊城貴者李將軍戰鼓遙
疑天上聞屯田布錦周千里牧馬攢花溢萬
群白雲本是高松伴來繞青雲復飛散三聲

畫角咽不通萬里蓬根一時斷豐州聞說似
涼州沙塞晴明部落稠行客已去依獨戍主
人猶自在高樓夢親旌旆何由見每阻清風
一回面洞裏先生那恠遲人天無路自無期
砂泉丹井非同味桂樹榆林不並枝吾翁致
身殊得計地僊亦是三千歲莫着戎衣期上
清東方曼倩逢人輕

效顏魯公送挺贊歸翠微

挺贊惠學該儒釋袖有顏徐真草跡一齋三

請紀行詩誚我垂鞭弄鳴鏑寺懸金榜半山
隅石路荒涼松樹枯虎跡印雪大如斗閨月
暮天過得無

盧綸集卷第一

盧綸集卷第二

五言律詩

皇帝感詞四首

提劔風雷動垂衣日月明禁花呈瑞色國老
見星精發棹魚先躍窺巢鳥不驚山呼一萬
歲直入九重城

天香五鳳彩御馬六龍文雨露清馳道風雷
翊上軍高旂花外轉行漏樂前聞時見金鞭
舉空中指瑞雲

妙筭干戈止神謀宇宙清兩階文物盛七德
武功成校獵長揚苑屯軍細柳營歸來獻明
主歌舞隘春城

天樂下天中雲輶儼在空鉛黃艷河漢語笑
合笙鏞已見長隨鳳仍聞不避熊君王親試
舞閭闔靜無風

送姨弟裴均諭諸暨

相得長成同是外家恩舊業廢三畝弱年
成一門城開山日早吏散渚禽喧東閣謬容
止君心余冀言

送裴判官入蜀

傳詔收方貢登車着賜衣擁商蠻客富稅地
芋田肥雲白風雷歇林清洞穴稀炎涼君莫
問見即在忘歸

送魏廣下第歸揚州

楚鄉雲水內春日衆山開淮浪參差起江帆
次第來獨歸初失桂共醉忽停杯漢詔年年
有何愁掩上才

送潘述應宏詞下第歸江南
愁與醉相和昏昏竟若何感年懷闕久失意
夢鄉多雨裏行青草山前望白波江樓覆棊
好誰引仲宣過

送從舅成都縣丞廣歸蜀

褒谷通岷嶺青冥此路深晚程椒瘴熱野飯
荔枝陰古郡三刀夜春橋萬里心唯應對楊
柳暫醉卓家琴

送宋校書赴宣州幕

南想宣城郡清江野戍閒
矍矍高映浦睥睨曲隨山
名寄圖書內威生將吏間
春行板橋暮應伴使公還

送李縱別駕加員外郎却赴常州幕

霄漢正聯飛江湖又獨歸
暫歡同賜被不待易朝衣
山雨迎軍晚蘆風候火微
還當宴鈴閣謝守亦光輝

送元贇府重任龍門縣

二職亞陶公歸程與夢同
柳垂平澤雨魚躍

大河風混跡威長在孤清志自雄應嗤向隅者空寄路塵中

送黎燧尉陽翟

玉貌承嚴訓金聲稱上才列筵青草偃驟馬綠揚開潘縣花添發梅家鶴暫來誰知望恩者空逐路人回

送丹陽趙少府

恭聞林下別未至亦沾裳荻岬雨聲盡江天虹影長佩韋宗嬾慢偷橘愛芳香遙想從公

復稱榮在上堂

送菊潭王明府

組綬掩衰顏輝光里第間晚涼經灞水清晝入商山行境逢花發彈琴見鶴還唯應理農後鄉老賀君閒

送陳明府赴萍縣

素舸載陶公南隨萬里風梅花成雪嶺橘樹當祠掩荒山下田開野荻中歲終書善績應與古碑同

送張參軍歸覲荆南因寄司空曙
玉勒侍行檐邈超未有髯守儒輕騎獵承誨
訪沉潛雲勢將峰雜江聲與嶼兼還當見王
粲應念二毛添

送馬尚書歸覲太原

玉人垂玉鞭帶騎帶橐鞬從賞野郵靜獻新
秋果鮮塞屯豐雨雪虜帳共山川遙想稱觴
後唯當共被眠

送張成季賦得垂楊

垂楊真可憐地勝覺春偏一穗雨聲裏千條
池色前露繁光的皦日麗影團圓若到隋隄
望應逢花滿船

送陝府王司法

東門雪覆塵出送陝城人粉郭朝喧市朱橋
夜掩津上寮應重學小吏已甘貧謝眺曾為
掾希君一比鄰

送太常李主簿歸覲省

粲粲美仍都清閒一貴儒定交分玉劍發詠

瀉米壺風景隨台位河山入陣圖上堂多慶
樂有忘谷中愚

送從叔程歸西川幕

千山冰雪晴山靜錦花明群鶴栖蓮府諸戎
拜柳營浪依巴字息風入蜀關清豈念在貧
巷竹林啼鳥聲

送夔州班使君

曉日照樓船三軍拜峽前白雲隨浪散青壁
與城連萬嶺岷峨雪千家橘柚川還知 河

內天子許經年

送從舅成都丞廣歸蜀

巴字天邊水秦人去是歸棧長山雨響溪亂
火田稀俗富行應樂官雄祿豈微魏舒終有
淚還濕窳家衣

送絳州郭參軍

炎天故絳路千里麥花香董澤雷聲晚汾橋
水氣涼府趨隨宓賤野宴接王祥送客今何
幸經宵醉玉堂

送顧祕書獻書後歸岳州
黃葉落不盡蒼苔隨雨生
當軒置樽酒送客歸江城
竹裏聞機杼舟中見弟兄
嶽陽賢太守應爲改鄉名

送衛司法河中覲省

出身因強學不以外家榮
年少無遺事官閒有政聲
曉山臨野渡落日照軍營
共賞高堂下連行弟與兄

送趙真長歸江夏縣舊山依楊徵君

讀書

臨杯忽泫然非是惡離絃
塵陌望松雪我衰君少年
幽僧曝山果寒鹿守冰泉
感物如有待况依回也賢

留別耿滯侯釗馮著

相識少相知與君俱已衰
笙鏞新宅第岐路古山陂
學道功難就爲儒事本遲
惟當與漁者終老遂其私

送渾別駕赴舒

江平蘆荻齊五兩貼檣低遶郭覆晴雪滿川
聞曙鷄鱸魴宜入貢橘柚亦成蹊還似海沂
日風清無鼓鼙

送從叔士準赴任潤州司士

雲起山城暮沉沉江上天風吹建業雨浪入
廣陵船久是吳門客常聞謝守賢終悲去國
遠淚盡竹林前

送尹樞令狐楚及第後歸覲

佳人比香草君子即芳蘭寶器金鑿重清音

玉珮寒貢文齊受寵獻禮兩承觀鞍馬并汾
地爭迎陸與潘

賦得館娃宮送王山人遊江東

蒼蒼楓樹林草舍廢宮深越水風浪起吳王
歌管沉燕歸巢已盡鶴語塚難尋旅泊彼何
夜希君抽玉琴

送契玄法師內道場

昏昏醉老夫灌頂遇醍醐嬪御呈心鏡君王
賜髻珠降魔須戰否問疾敢行無深契何妨

祕儒宗本不殊

送暢當赴山南幕

含情脫佩刀持以佐賢豪是月霜霰下伊人
行役勞事將名共得文與行空高去矣奉戎
律悲君爲我曹

秋晚河西縣樓送渾中丞赴朝闕

高樓吹玉簫車馬上河橋岐路自奔隘壺觴
終寂寥芳蘭生貴里片玉立清朝今日台庭
望心遙非地遙

送劉判官赴豐州

銜杯吹急管滿眼起風砂大漠山沉雪長城
草發花策行須耻戰虜在莫言家余亦祈勲
者如別左車

將赴閩鄉灞上留別錢起員外

暖景登橋望分明春色來離心自惆悵車馬
亦徘徊遠雪和霜積高花占日開從官竟何
事憂患已相催

赴池州拜覲舅氏留上考功郎中舅

孤賤易蹉跎其如酷似何
衰榮門族少生長
外家多別國桑榆在沾衣
血淚和應憐失行
鴈霜霰寄煙波

送從姪之滁州覲省

愛爾似龍媒翩翩千里迴
書從外氏學竹自
晉時栽擁棹逢鷗舞憑欄
見雨來上堂多慶
樂不醉莫停杯

酬苗員外仲夏歸郊居遇雨見寄

雷響風仍急人歸鳥亦還
亂雲方至水驟雨

已喧山田鼠依林上池魚
戲草間因高比埃
霧一詠一開顏

和趙端公九日登石亭上和州家兄

洛浦想江津悲歡共此辰
採花湖岸菊望國
舊樓人鴈別聲偏苦松寒
色轉新傳書問漁
叟借寇爾何因

和金吾裴將軍使往河北宣慰因訪

張氏昆季舊居兼寄趙侍郎

飛軒不駐輪感敷漢儒臣
氣懾千夫勇恩傳

萬里春古原收野燎寒笛怨空鄰書此達良友五陵風雨頻

和太常李主簿秋中山下別墅即事
清秋來幾時宋玉已先知曠朗霞映竹澄明
山滿池葺橋雙鶴赴收果衆猿隨詔樂方今
奏雲林徒蔽虧

酬韋渚秋夜有懷見寄

蕭條涼夜詠秋草對衰顏露下鳥初定月明
人自閑獨悲無舊業共喜出時難為問功成

後同遊何處山

同柳侍郎題侯釗侍郎新昌里

清源君子居左右盡圖書三徑春自足一瓢
歡有餘庭莎成野席欄藥是家疏幽顯豈殊
迹昔賢徒病諸

酬孫侍御春日見寄

經過里巷春同是謝家鄰顧我覺衰早荷君
留醉頻松高猶覆草鶴起暫縈塵始悟達人
志患名非患貧

奉和陝州十四翁中丞寄雷二十翁

州司戶

聯飛獨不前，迴落海南天。
賈傳竟行矣，邵公唯泫然。
瘴開山更遠，路極水無邊。
沉劣本多感，况聞原上篇。

和王倉少尹暇日言懷

清秋多暇日，况乃是夫君。
習靜通仙事，書空閱篆文。
劒飛終上漢，鶴夢不離雲。
無限煙霄路，何嗟迹未分。

送兵部李紆侍郎刑部包佶侍郎哭

皇甫侍御曾

攀龍與泣麟，哀樂不同塵。
九陌霄漢侶，一燈冥寞人。
舟沉驚海闊，蘭折怨霜頻。
已矣復何見，故山應更春。

七夕二首

祥光若可求，閨女夜登樓。
月露浩方下，河雲凝不流。
鈿華替警曙，機杼暗傳秋。
迴想歛餘睠，人天俱是愁。

涼風吹玉露河漢有幽其星彩光仍隱雲容
掩復離良宵警曙早閨歲怨秋遲何事金閨
子空傳得網絲

倫開府席上賦得詠美人名解愁
不敢苦相留明知不自由顰眉乍欲語歛笑
又低頭舞態兼些醉歌聲似帶羞今朝總見
也只不解人愁

送渭南崔少府歸徐郎中幕

葉下山邊路行人見自悲夜寒逢雪處日暖

到村時語少心長苦愁深意自遲

羨有幕中期

春日山中憶崔峒吉中孚

延步愛清晨空山照春蜜房那有主石室
自無鄰泉急魚依草花繁鳥近人誰言失徒
侶惟與老相親

客舍喜崔補闕司空拾遺訪宿

步月諸鄰蓬居宿近臣弊裘先醉客清鏡
早朝人壞壁煙垂網香街火照塵悲榮俱是

分吾亦樂吾貧

藍溪期蕭道士採藥不至

春風生百藥幾處木苗香人遠花空落溪深
日復長病多知藥性老近憶仙方清節何由
見三山桂自芳

夜中得循州趙司馬侍郎書因寄回

使

瘴海寄雙魚中宵達我居兩行燈下淚一紙
嶺南書地說炎蒸極人稱老病餘殷勤報賈
傅莫共酒杯踈

春思貽李方陵

長安三月春難別復難親不識冶遊伴多逢
憔悴人漸知歡淡薄轉覺老殷勤去矣盡如
此辭悲未陳

春日書情贈別司空曙

壯志隨年盡謀身意未安風塵交契絕老大
別離難臘近晴多暖春遲夜却寒誰堪少兄
弟三十又無官

冬曉呈隣里

終夜寢衣冷開門思曙光空堦一藜葉華室
四隣霜望闕覺天迥憶山愁路荒中途一留
滯雙鬢颯然蒼

首冬河東昭德里書事貽鄭倉曹

清冬和暖天老鈍晝多眠日愛間巷靜每聞
官吏賢寒蕪供家食腐葉宿厨煙且復執杯
酒無煩輕議邊

盧綸集卷第二

當湖
陳
歐

